



**Ն.Ս.Օ.Տ.Տ. ԳԱՐԵԳԻՆ Բ ԾԱՅՐԱԳՈՒՅՆ ՊԱՏՐԻԱՐԺ
ԵՎ ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ ԽՈՍՔԸ
ՔՐԻՏԱՆԱԿԱՆ ԳՐԱԴԱՐԱՆՈՒՄ ՆԱՅ ՆՈԳԵՎՈՐ
ՄՇԱԿՈՒՅԹԻ ՑՈՒՑԱՆԱՆԴԵՍԻ ԲԱՅՄԱՆԸ՝
ՆՎԻՐՎԱԾ ՆԱՅԱՍՏԱՆՈՒՄ ՔՐԻՍՏՈՆԵՈՒԹՅՈՒՆԸ
ՊԵՏԱԿԱՆ ԿՐՈՆ ԸՆԴՈՒՆԵԼՈՒ 1700-ԱՄՅԱԿԻՆ**

(Լոնդոն, 1 մարտի 2001 թ.)

Նարգելի և սիրելի ներկաներ.

Միտով և հոգու բերկրանքով ողջունում և Մայր Աթոռ Սուրբ Էջմիածնից Նայրապետական Մեր օրհնությունն ենք բերում Ձեզ բոլորիդ Բրիտանական մեծառնչակ ու ավանդաշատ Գրադարանում հայկական եկեղեցական արվեստի այս հրաշալի ցուցահանդեսի բացման հանդիսավոր առիթով:

Բրիտանական Գրադարանը փարիսեր շարունակ մեկտեղում, կողք-կողքի համադրում ու պահպանում է մշակութային անհամար գանձեր՝ հեքամուր համամարդկային արժեքներով սերունդներ կրթելու և մարդկության կյանքում հոգևորի կարևորման առաքելությամբ: Նավարարիմ իր վսեմ կոչմանը, Գրադարանն այսօր բազմաազար այցելուների ներկայացնում է հայոց հոգևոր մշակույթի արժեքները՝ գնահատելի ընծա մատուցելով հայ ժողովրդին ու հայոց Եկեղեցուն հայաստանում քրիստոնեությունը պետական կրոն հռչակելու 1700-ամյակի կապակցությամբ:

Ի նշանավորումն ազգային մեր կյանքի մեծագույն իրադարձության այս դարակազմիկ հորեյանի՝ հայ հոգևոր արժեքների ցուցադրություններ կազմակերպվել են աշխարհի մի շարք մեծ քաղաքներում, սակայն յուրաքանչյուր ցուցահանդես միշտ

առանձնահատուկ է, ինչպես առանձնահատուկ են մարդկային հոգիները և միշտ եզակի՝ նրանց հանդիպումը:

Այսօր այսպեղ հայ ժողովուրդը ներկայանում է բազմադարյա իր մշակույթով, մարածումներով ու ապրումներով, բարու և գեղեցիկի ընկալումով ու ճաշակով: Ցուցանմուշները, որոնք մեր առջև են, հայ հոգու մարմնավորումներն են՝ արքայազններով քրիստոնյա մեր ժողովրդի հավաքն ու սերը առ Աստված, խաղաղության ու սրբեղծարար աշխատանքի նրա երազները:

Հայ հոգուց պոկված այս գանձերը կրում են նաև իրենց սրբեղծող ժողովրդի փառագիր ճակատագրի կնիքը: Հաղթահարելով ժամանակ ու փարածություն, այսօր նրանք մեկտեղվել են կարգի երկխոսության: Ունկնդիր լինենք նրանց զրույցին, ու մեր հոգիները բաց կլինեն սիրտ, հավաքի ու հույսի այն մշտնորոգ լույսի առջև, որով ծնունդ են առել այս արժեքները:

Միքելի ներկաներ.

Արդարև, հայ ժողովուրդը Քրիստոսի՝ մարդուն պարզևած փրկության լույսն ընդունողների մեջ առաջին շնորհընկալներից է: Արարարի շուրջ սփռված պարմական իր Հայրենիքում մեր ժողովուրդը 301 թ. առաջինը պետական կրոն հռչակեց քրիստոնեությունը և այսօր էլ, 17 դար հետո, շարունակում է լինել քրիստոնեության հիմնամուր բերդն Արևելքում: Իր լինելությունը քրիստոնեությամբ իմաստավորելով է հայն ապրել ու արարել, փորձությունների մեջ անվարան հռչակել «Մահն իմացյալ անմահություն է» կարգախոսը և նահապետությամբ բազմիցս վկայել իր հավատարմությունը Քրիստոսին ու քրիստոնեական համեղբայրությանը:

Այսօր հայ ժողովուրդը վերագրել է իր Հայրենիքի ազնվությունն ու անկախությունը: Անկախ պետականության իրողությունը ընդունելով որպես Աստծո մեծագույն շնորհ մեր հավաքի ամրության համար, նաև համոզված, որ մեր բոլոր հաջողություններն ու ձեռքբերումները շարունակությունն են 301 թ. հրաշալի դարձի, մեր ժողովուրդը ջանում է վերակառուցել ազատ իր Հայրենիքը, կերպել բարեշեն և օրինահարգ երկիր, որի դիմագիծը սրբեղծարար աշխատանքն է ու եղբայրական սերը բոլոր ժողովուրդների նկատմամբ: Մենք փառք ենք առաքում առ Աստված, որ մեր օրերում բաց են դռները քրիստոնեական Եկեղեցիների՝ եղբայրաբար գրկախառնվելու, միասնաբար աղոթելու և մեկտեղ գործելու: Փառք Բարձրյային, որ իր անկախությունը վերահաստատած Հայաստանը և Մեծ Բրիտանիայի Միացյալ Թագավորությունը ներկայիս հարաբերություններ ունեն իրենց դեսպանությունների մակարդակով՝ ի շահ երկու պետությունների արդյունավետ համագործակցության:

Մեր երկու քրիստոնյա ժողովուրդների եղբայրության մի նոր վկայություն է այս ցուցահանդեսը, բանգի հայ-անգլիական առևտրությունները դարերի խորքից են գալիս: Փառավոր ավանդույթներով այս երկրում մեր ժողովրդի զավակները ապահով հանգրվան են գտել հարյուրամյակներ առաջ և այսօր էլ, վայելելով Բրիտանական կառավարության ու ժողովրդի բարի կամեցողությունը, ազատ են ազգային-եկեղեցական իրենց կյանքով ապրելու՝ որպես լիիրավ, վստահելի ու հարգարժան քաղա-

բացիները իրենց երկրորդ Հայրենիքի: Հայկական հնագույն գաղթօջախներից մեկի և Հայոց հոգևոր կյանքի վարչական միավորի՝ Թեմի առկայությունն այս օրինյալ հոդում այն հիմներն են, որով այսօր առավել սերտ պիպի դառնան ու ընդլայնվեն մեր երկու՝ Հայ Առաքելական ու Անգլիկան Եկեղեցիների և մեր ժողովուրդների հարաբերություններն ու համագործակցությունը: Բրիտանական Գրադարանում բացված այս ցուցահանդեսը նույնպես մեկ վստահելի ճանապարհ է մեր մշակույթների մերձեցման, մեր ժողովուրդների փոխադարձ ճանաչման, վստահության ու եղբայրական հարաբերությունների արգասավորման համար: Արդարև, միմյանց համար ընդունելի լինելու ավելի գորեղ, միաժամանակ և ավելի հիասթափեց միջոց չկա, քան հոգու շռայլումով միմյանց ընդառաջ գնալը:

Այս հանդիսավոր և բերկրաշատ առիթով Մեր խորին գնահատանքն ենք բերում Գրադարանի պարզավորման Տնօրինությանն ու նրա հայկական բաժնի աշխատակիցներին, որոնց ազնիվ նախաձեռնությամբ ու անդուլ ջանքերով այսօր հնարավոր է դառնում ցուցահանդեսի բացումը: Վերստին Մեր առանձնակի գնահատանքն ենք հայտնում լոնդոնաբնակ հայորդի, մեր Եկեղեցու մեծազնիվ զավակ, մեծանուն ազգային բարերարներ Տեր և Տիկին Վաչե և Թամար Մանուկյաններին, որոնք հովանավորն են ինչպես այս, այնպես և նախորդ՝ Վարիկանում բացված ցուցահանդեսների, նաև՝ շատ այլ ազգաշահ ու եկեղեցաշեն ձեռնարկումների: Փառք Բարձրալին, որ, հանձին հայ բարերարների, հայության կյանքում արթուն է բարեգործության արարող ոգին, որ, հավատարմոր գործերի փոխված, գորացրել է մեր ժողովրդին և պարտության քառուղիներում օգնել դիմակայելու բազում փորձություններ:

Համայն հայության հավարի կենտրոն Մայր Աթոռ Սուրբ Էջմիածնից, որպես Հայրապետ Ամենայն Հայոց, Մեր սերն ու օրհնությունն ենք բերել ցուցահանդեսի կազմակերպիչներին, բոլոր այսպեղ ներկաներին, Անգլիկ մշակութասեր ժողովրդին և ցուցահանդեսի բոլոր այցելուներին: Մեր աղոթքն ու մաղթանքն է, որ Տիրոջ օրհնությամբ ցուցահանդեսը ծառայի կյանքի՝ հոգևորով իմաստավորման, ժողովուրդների սիրո ու բարեկամության իր առաքինի նպատակին:

Թող Տերը հաճությամբ ընդունի քրիստոնեական եղբայրության այս վկայությունը և հաստատուն ու պայծառ պահի Հայ Առաքելական ու Անգլիկան Եկեղեցիները, Իր հովանու ներքո միշտ շեն, բարգավաճ ու ապահով պահպանի Մեծ Բրիտանիան և գորացնի համագործակցությունը մեր երկու բարեկամ ժողովուրդների ու պետությունների միջև:

Թող Բարձրալի օրհնությունը իջնի համայն աշխարհին, և խաղաղ սրբեղծագործելու աստվածային շնորհը ուղեկցի մեզ և հավեր ուղենշի մեր կյանքի ընթացքը: